



XUNTA DE GALICIA
CONSELLERÍA DO MAR




UNIÓN EUROPEA
Fondo Europeo Marítimo e de Pesca



CONVENIO DE COLABORACION ENTRE A CONSELLERÍA DO MAR DA XUNTA DE GALICIA E A UNIVERSIDADE DE SANTIAGO DE COMPOSTELA PARA O USO DA MARCA DE GARANTÍA DA USC "PESCAENVERDE" XUNTO COA MARCA DE GARANTÍA DA CONSELLERÍA DO MAR "PESCADERÍAS ¿DE ONDE SE NON?" NO ANO 2018

En Santiago de Compostela, o día 3 de maio de 2018, na sede da Consellería do Mar,



REUNIDOS

Dunha parte, Dona Mercedes Rodríguez Moreda, en calidade de directora xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a ORDE do 8 de setembro de 2017, da mesma consellería, publicada no DOG Núm. 180, 21 de setembro, e de conformidade co Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e do decreto 168/2015, do 13 de novembro, que aproba a estrutura orgánica da Consellería do Mar.

Doutra banda o Excmo. Sr. D. Juan Manuel Viaño Rey, Reitor Magnífico da Universidade de Santiago de Compostela (en adiante USC), actuando en nome e representación da USC, con CIF Q1518001A e sede en Pazo de San Xerome - Praza do Obradoiro, s/n, 15782-Santiago de Compostela segundo Decreto 62/2014 de 28 de maio da Xunta de Galicia (DOG de 04/06/2014), con poderes suficientes para a celebración deste acto en virtude do establecido no artigo 20 da Ley Orgánica 6/2001, de 21 de decembro, de Universidades (BOE de 24/12/2001) e no artigo 85 dos Estatutos da USC, aprobados por Decreto 14/2014 de 30 de xaneiro de la Xunta de Galicia (DOG de 29/02/2014).

EXPOÑEN

Primeiro. Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento legislativo e a execución da lexislación do Estado no ámbito da ordenación do sector pesqueiro. Neste sentido, o

que a presente fotocopia foi compuisada co seu orixinal concordando fielmente.
Santiago, 16/05/2018



Asdo.: Mª Pilar Sebe Núñez



artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, os mercados, a comercialización, a manipulación, a transformación e a conservación dos produtos pesqueiros. Así mesmo, no seu artigo 2.7, a citada Lei destaca: "7. Desenvolver e mellorar os procesos de comercialización e transformación dos produtos pesqueiros, así como fomentar o exercicio dun comercio responsable que garanta a calidade, a trazabilidade e a identificación dos produtos."

Neste sentido, a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

Segundo. Que a USC é unha entidade que desenvolve actividades de Investigación, Formación e Desenvolvemento Científico e Tecnolóxico e que entre os seus fins esenciais atópase o de contribuír ao avance tecnolóxico para mellorar as condicións e calidade de vida do entorno social. O Departamento de Enxeñaría Química conta co grupo de investigación de Enxeñaría Ambiental e Bioprocesos, no que Gumersindo Feijoo Costa é un dos investigadores principais, e que conta cunha liña de investigación denominada "Sostibilidade de produtos e procesos: Avaliación do ciclo de vida e pegada ambiental".

Terceiro. Que a Consellería do Mar conta é propietaria da marca de garantía "pescadeRías ¿de onde se non?" que é un selo de identidade para a promoción e defensa do peixe e marisco procedentes da flota artesanal galega, con número de rexistro 2758558 para as clases 29, 31, 35 e 39 do Nomenclátor internacional e con número de rexistro 2753099 para a clase 43 do Nomenclátor internacional.

Cuarto. Que a USC é titular da marca de garantía rexistrada na Oficina Española de Patentes e Marcas con denominación "pescaenverde", con número de rexistro 3.075.258, para as clases 29, 41 y 42 do Nomenclátor internacional, que ofrece información ao consumidor sobre a pegada de carbono e a taxa de retorno enerxético (www.usc.es/pescaenverde.es).

Quinto. Que a Consellería do Mar considera de especial interese a utilización da marca de garantía "pescaenverde" aos produtos asociados á marca de garantía "pescadeRías ¿de onde se non?".



DILIXENCIA: Para facer constar que a presente fotocopia foi compulsada co seu orixinal concordando fielmente.

Santiago, 16/05/2018

Asdo.: M^a Pilar Sebe Núñez



Sexto. Que a USC ten interese en aplicar a marca de garantía "pescaenverde" aos produtos asociados á marca de garantía "pescadeRías ¿de onde se non?".

Na súa virtude, e dada a existencia dun interese coincidente, ambas as dúas partes acordan formalizar o presente Convenio de conformidade coas seguintes

CLÁUSULAS

PRIMEIRA. OBXECTO DO CONVENIO

O presente convenio ten por obxecto establecer as condicións de colaboración técnica e financeira para o uso da marca de garantía da USC "pescaenverde" xunto coa marca de garantía da Consellería do Mar "pescadeRías ¿de onde se non?".

SEGUNDA. OBRIGAS DAS PARTES.

A Consellería do Mar e a USC comprométense a coordinar as súas respectivas accións de promoción relacionadas coas marcas de garantía "pescadeRías ¿de onde se non?" e "pescaenverde".

TERCEIRA. OBRIGAS DA USC

A USC comprométese á realización das seguintes actividades:

- Análise dos datos relativos a novas embarcacións, lonxas ou froas que se incorporen á marca de garantía "pescadeRías ¿de onde se non?" con fin de analizar os datos relativos a pegada de carbono e taxa de retorno enerxético das especies capturadas.
- Elaboración de informes relativas ao cumprimento dos requisitos de pegada de carbono e taxa de retorno enerxético de novas embarcacións, lonxas ou froas que se incorporen á marca de garantía "pescadeRías ¿de onde se non?"
- Actualización na páxina web www.usc.es/pescaenverde das embarcacións, froas, lonxas usuarias de "pescadeRías ¿de onde se non?" que cumpren os requisitos estipulados para a concesión da marca de garantía "pescaenverde".



DILIXENCIA: Para facer constar que a presente fotocopia foi compulsada co seu orixinal concordando fielmente.
Santiago, 16/05/2012

Asdo.: M^a Pilar Sebe Núñez



- Elaboración de informe de recomendacións para a redución da pegada de carbono en eventos relacionados co obxecto do convenio.
- Desenvolvemento do protocolo de incorporación e uso da marca de garantía da USC "pescaenverde" xunto coa marca de garantía da Consellería do Mar "pescadeRías ¿de onde se non?".
- Impartir un curso de formación "Pescaenverde: Metodoloxía, Fundamentos e casos prácticos" a persoas indicadas pola Consellería do Mar. Ao amparo deste convenio, a USC non emitirá ningún tipo de diploma ou certificación acreditativa de aproveitamento ou asistencia ao programa formativo, e a súa sinatura non conleva a autorización por parte da USC para a utilización do logotipo ou da imaxe corporativa da universidade en ningunha documentación, diploma ou certificación emitida pola Consellería do Mar.

CUARTA. OBRIGAS DA CONSELLERÍA DO MAR

A Consellería do Mar comprométese á realización das seguintes actividades:

- Proporcionar os datos necesarios para a avaliación de a novas embarcacións, lonxas ou frota que se incorporen á marca de garantía "pescadeRías ¿de onde se non?"
- A realización de accións de difusión das marcas dentro das deseñadas para "pescadeRías ¿de onde se non?"

QUINTA. COMISIÓN DE SEGUIMIENTO

Para os efectos de velar pola boa marcha e cumprimento do estipulado no presente convenio créase a comisión de seguimento do mesmo, que estará composta: polo xefe de Servizo de Mercados da Consellería do Mar e por Gumersindo Feijoo Costa, profesor catedrático da USC e Fernando Rafael Pardo Seco, técnico da Área de Valorización, Transferencia e Emprendemento da USC. Esta comisión reunirse cando así o solicite unha das partes cunha periodicidade mínima semestral e será o mecanismo de actuación conxunta para garantir a efectividade do convenio.

DILIXENCIA: Para facer constar que a presente fotocopia foi compulsada co seu orixinal concordando fielmente.

Santiago, 16/05/2018


Asdo.: M^a Pilar Sebo Núñez



SEXTA. CONDICIÓN ECONÓMICAS

Para a colaboración nos gastos asociados ás accións indicadas en que incorre a USC para a realización do obxecto do convenio, a Consellería do Mar aportará á USC vinte e cinco mil cento sesenta euros (25.160,00 €), con cargo á aplicación orzamentaria 2018.14.02.723B.640.0, código de proxecto 2016 00286S, dos presupostos xerais da Comunidade Autónoma de Galicia para 2018. Sendo esta partida económica axeitada para asumir o custo desta acción por considerarse pola súa propia natureza como un investimento de carácter inmaterial que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais que se poidan materializar en activos.

O importe deste contravalor pola prestación que se realiza está fixado utilizando criterios obxectivos adaptados aos que rexen no mercado.

A USC empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

SÉTIMA. VIXENCIA

A vixencia do presente convenio estenderase desde a sinatura do mesmo ata o 31 de decembro de 2018, podendo ser susceptible de prórroga.

OITAVA. CONTROVERSIAS

O presente convenio de colaboración terá natureza administrativa e corresponderalle á Comisión de Seguimento, prevista na cláusula quinta, resolver as dúbidas que ocasione a súa interpretación e aplicación, así como solucionar as controversias que se susciten.

NOVENA. RÉXIME DE PERSOAL

A sinatura deste convenio non leva consigo relación laboral ou de calquera outro tipo entre os profesionais encargados de executar as actividades que constitúen o seu obxecto e a Consellería do Mar, de tal xeito que non se poderá esixir a esta ningún tipo de responsabilidade polos actos ou feitos acaecidos no seu desenvolvemento, nin polos incumprimentos nos que puidera incorrer a USC nas súas relacións cos traballadores aos que encomende a realización do traballo.



que a presente fotocopia foi
compuisada co seu orixinal
concordando fielmente.

Santiago, 16/05/2018

Asdo.: M^a Pilar Sebe Nuñez



DÉCIMA. CARACTER DO CONVENIO

Este Convenio ten a natureza dos previstos no artigo 4.1.c) ou do Real Decreto Legislativo 3/2011, do 14 de novembro, polo que se aproba o texto refundido da Lei de Contratos do Sector Público, e o seu réxime xurídico virá determinado polas estipulacións previstas no propio convenio e os principios xerais resultantes da citada lei.

UNDÉCIMA. AUTORIZACIÓN PARA A PUBLICACIÓN DOS DATOS DOS ASINANTES NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto no lugar e data ao comezo indicados.

Pola Consellería do Mar

P.D. (Orde do 8-09-2017, DOG nº 180,
do 21-09-2017)



Directora Xeral de Pesca, Acuicultura
e Innovación Tecnolóxica

Mercedes Rodríguez Moreda



DILIXENCIA: Para facer constar
que a presente fotocopia foi
compulsada co seu orixinal
concordando fielmente.

Santiago, 16/05/2018

Asdo.: M^a Pilar Sebe Nijóez

Pola Universidade de Santiago de
Compostela

O reitor

Juan Manuel Viano Rey